

BULETIN

Institut Gerontologi



Majlis Program
Pelancaran CITI-UPM
**PENDAYAUPAYAAN
KEWANGAN UNTUK
WANITA MATANG**

Anugerah
Penyelidik
Cemerlang



KARNIVAL
USA



Seminar “Sharing Research Findings”
Appreciating Population Ageing



Anugerah Penyelidik Cemerlang

Prof. Dr. Tengku Aizan Tengku Abdul Hamid, Pengarah Institut Gerontologi (IG), telah diiktiraf sebagai Penyelidik Cemerlang 2012 pada Majlis Gemilang Akademia Putra (MGAP) 2013 yang telah diadakan pada 9 Mei 2013. Anugerah tersebut telah disampaikan oleh Sultan Selangor, Sultan Sharafuddin Idris Shah, yang juga Tuanku Canselor UPM. Seramai 13 lagi kakitangan akademik dan dua bukan akademik turut menerima anugerah mengikut bidang masing-masing dalam majlis yang gemilang itu.

Majlis tersebut telah diadakan sejajar dengan misi universiti untuk memberi sumbangan bermakna ke arah penghasilan kekayaan dan pembangunan negara dan rakyat melalui penerokaan dan penyebaran pengetahuan. Ia juga dapat merangsang staf universiti mencapai kecemerlangan dalam khidmat masing-masing.

Melalui majlis penganugerahan seperti ini, staf akademik dan bukan akademik akan mengamalkan budaya kerja yang dinamis, beretika dan cemerlang dalam melaksanakan tugas harian. Justeru, merangsang kecemerlangan UPM dan mempunyai imej positif diperingkat global ke arah sebuah universiti bertaraf antarabangsa.

Semoga penerima-penerima anugerah dapat memberikan impak positif kepada pembangunan modal insan dan kejayaan ekonomi negara.

Sidang Redaksi



Penasihat
Prof. Dr Tengku Aizan Hamid



Ketua Pengarang
En. Saheh Said

Sidang Pengarang



En. Mohd Khairill
Izwan Mohd Zuki



Pn. Siti Suhailah
Abdullah



En. Chai Sen Tyng



Pn. Norisma Alza
Ismail



Pn. Siti Farra
Zillah Abdullah



Cik Siti Aisyah Nor
Akahbar



Cik Raja Nurzatul
Effah Raja Adnan



En. Mohd Fazdillah
Bagat



En. Mohd Rizal
Hussain



Cik Siti Norhanah
Idrus

PRODUKSI



Jurufoto
En. Padzli Adzman



Majlis Pelancaran Program Citi-UPM

PENDAYAUPAYAAN KEWANGAN UNTUK WANITA MATANG

Pada 7 November 2013, Institut Gerontologi (IG) dengan kerjasama Citi Foundation telah mengadakan Program Citi-UPM Pendayaupayaan Kewangan untuk Wanita Matang. Program yang berlangsung di Dewan Besar, PKSSAAS, UPM itu telah dirasmikan oleh Y.B. Dato' Sri Hajah Rohani Binti Haji Abdul Karim, Menteri Pembangunan Wanita, Keluarga & Masyarakat. Tetamu kehormat lain yang hadir ialah Prof. Datin Paduka Dr. Aini Ideris, Timbalan Naib Canselor (Akademik & Antarabangsa), Prof. Tengku Aizan Hamid, Pengarah Institut Gerontologi dan En. Sanjeev Nanavati, Ketua Pegawai Eksekutif CitiBank Berhad.

Program yang bertujuan khusus untuk memberi kesedaran, pengetahuan dan kemahiran kewangan kepada wanita itu telah dijalankan oleh IG bermula pada awal 2013 melalui pembentukan agensi antarabangsa, Citi Foundation dan United Way Worldwide. Program itu juga turut melibatkan dua lagi agensi Badan Bukan Kerajaan (NGO) iaitu Persatuan Wanita UPM (PERMATA) & Majlis Kebangsaan Pertubuhan-Pertubuhan Wanita Malaysia (NCWO).

Pendekatan yang digunakan dalam projek ini adalah berdasarkan kajian ke atas kumpulan sasaran dan sekaligus memberi khidmat bakti kepada mereka khususnya dan kepada komuniti umumnya. Secara am projek ini dibentuk berdasarkan adaptasi daripada program "Citi-Tsao Foundation Financial Education Programme for Mature Women" yang telah dilaksanakan di Singapura sejak 2008. Adaptasi dilakukan mengikut tatacara dan kesesuaian dengan situasi Malaysia. Kumpulan sasaran bagi projek ini adalah wanita berumur 40-60 tahun di kalangan keluarga yang berpendapatan kurang RM3,000.00 sebulan.



Lima modul telah dilancarkan pada majlis ini iaitu:

- I. Self-Assessment and Looking at the future
- II. Managing Current and Future Needs
- III. Understanding Financial Institutions, Products and Services
- IV. Investment and Entrepreneurship
- V. Financial Planning for the Silver Years





Objektif utama program ini adalah:

- i. menyebarluas dan mempertingkatkan kesedaran wanita mengenai keperluan pengurusan dan perancangan kewangan bagi mengharungi kehidupan yg sejahtera di hari tua.
- ii. memastikan wanita bebas daripada kebergantungan kewangan dan perancangan kewangan dalam kalangan wanita.

Sempena majlis pelancaran itu, satu forum yang bertajuk Perancangan Kewangan untuk Hari Tua Sejahtera telah diadakan. Forum tersebut dilaksanakan oleh Dr. Mohamad Fazli Sabri, Ketua Jabatan Pengurusan Sumber dan Pengajaran Pengguna, Fakulti Ekologi Manusia, UPM selaku moderator bersama-sama dua lagi ahli panel iaitu Puan Hajah Rohani Shahir, Pengarah, Hijrah



Wealth Management dan Ms. Susana Concordo Harding, Pengarah, International Longevity Centre, Singapura, A Tsao Foundation Initiative. Melalui forum itu, peserta yang hadir dapat mempelajari cara mengurus kewangan sendiri, membuat perancangan kewangan yang bijak demi jaminan di hari tua yang selesa dan sejahtera.

Selain forum, pameran, persembahan teater dan persembahan gamelan turut diadakan. Persembahan teater terdiri daripada ahli Kumpulan Teater U3A Malaysia, mengisahkan hal-hal berkaitan pengurusan kewangan dalam kehidupan masyarakat hari ini.



Projek ini diharapkan akan memberi impak kepada wanita matang dalam kalangan keluarga berpendapatan rendah daripada aspek berikut:

- i) meningkatkan kesedaran betapa pentingnya perancangan kewangan di peringkat awal dan secara langsung dapat mengamalkan pengurusan kewangan secara bijak agar dapat hidup berdikari, sejahtera dan berdayaupaya dalam kehidupan seharlan masa kini dan juga di hari tua nanti.
- ii) meningkatkan kapasiti Institut Gerontologi, PERMATA dan NCWO dalam penyediaan dan pemberian pendidikan kewangan kepada kumpulan sasaran dengan efektif, cekap dan berkesan.
- iii) mendayaupayakan ahli-ahli PERMATA dan NCWO membina keluarga bahagia dari aspek pengurusan kewangan bijak, pandai berkomunikasi dengan berkesan, meningkatkan hubungan dalam keluarga dan berkebolehan mempertahankan kehidupan penuaan aktif dan produktif.
- iv) membudayakan pengurusan kewangan secara bijak sepanjang hayat.



IG berharap program seumpama ini akan dapat mendidik wanita matang membudayakan pengurusan kewangan secara bijak dalam kehidupan seharlan dari segi semua aspek seperti membuat simpanan, berbelanja, melabur dan merancang keselamatan kewangan.



Seminar

“Sharing Research Findings”

Appreciating Population Ageing

Laboratori Gerontologi Sosial, Institut Gerontologi (IG) dengan usahasama Biro Tata Negara dan Persatuan Pengguna dan Ekonomi Keluarga Malaysia telah menganjurkan seminar “Sharing Research Finding” pada 30 Oktober 2013 bertempat di Bilik Temasa, Perpustakaan Sultan Abdul Samad, Universiti Putra Malaysia.

Tujuan seminar ini diadakan bagi menyediakan ruang kepada para penyelidik untuk berkongsi hasil penyelidikan, berinteraksi serta bertukar pendapat dengan pelbagai agensi dan pembuat dasar. Selain itu, ia menunjukkan komitmen dan usaha IG dalam menyemai budaya perkongsian dan perancangan berdasarkan bukti.



Topik kertas kerja yang dibentangkan telah dikenalpasti sebagai topik yang penting dalam usaha negara menangani peningkatan populasi penuaan yang pesat. Seminar ini memberi sasaran kepada pembuat dasar, perancang program dan yang terlibat secara langsung dengan warga emas.

Seminar selama sehari ini telah dihadiri oleh 65 orang peserta yang terdiri daripada agensi kerajaan, bukan kerajaan dan pelajar siswazah. Sepanjang seminar berlangsung para peserta telah memberikan respon dan cadangan yang positif. Cadangan – cadangan yang diberikan akan dijadikan input di dalam penyediaan kertas cadangan penyelidikan yang akan datang. Berikut adalah senarai kertas kerja yang dibentangkan:

- Kertas 1 - GIS application in appreciating population and demographic changes
Prof Dr Tengku Aizan/ Dr Azadeh Giyamat
- Kertas 2 - National Transfer Account
Prof. Madya Dr Sharifah Azizah Haron
- Kertas 3 – Malaysia Elderly Wellbeing Indicators
Dr Rahimah Ibrahim
- Kertas 4 - Elderly, work and Poverty
Dr Jariah Masud
- Kertas 5 - Economic Security in old age, case study of AIM:
Dr Zumlilah Zainalaludin & Dr Jariah Masud
- Kertas 6 - The Dilemma of Sandwich Generation
Dr Tan Jo Pei
- Kertas 7 - Care of the elderly: Issues and challenges
Dr Rahimah Ibrahim
- Kertas 8 – Empowerment Of Older Persons Through Participation In University Of The Third Age (U3a), Malaysia
Prof. Madya Dr. Sharifah Norazian Syed Abdul Rashid & Mohamad Fazdillah Bagat
- Kertas 9 - Spousal Death Anxiety: Gender Perspective
Dr Yadollah Abolfathi Momtaz



Elderly, Work and Poverty: Dr. Jariah Masud, Siti Farra Zillah Abdullah & Siti Suhaileh Abdullah

Increase life expectancy means Malaysians are expected to live many more years after retirement or in old age (60 years). The traditional view of old age mean time to rest can no longer be applied today. Lack of social protection tended to force some older persons to work to support their living. This paper will highlight the work activities among elderly (60-64) and near elderly (50-59 years old) using the Household Income Survey 2009. The paper will focus on employment patterns among near elderly and elderly. The Household Income Survey data 2009 comprising of 17423 individuals age 50 and older were used to examine the work activities among older persons and to explore the relationship between working in old age and poverty. Incidence of poverty among older persons using the Poverty Line Income of RM720 was compared using income from work, and net income. Binary logistic regression will be used to determine the factors likely explaining the poverty status of the older persons. The data revealed that there were 25.6% males and 57.0% female age 50 and older who were not involved in any kind of work. Among those working, majority work in the private sector or self employed. One third older persons reported receiving income from employment with mean of RM2,334.50 per month. Binary Logistic Regression with poverty status as dependent variable revealed that sex, marital status, educational attainment, and work status significantly contributed to explaining the likelihood of older persons being in poor.

Key words: employment, income, old age, poverty



Economic Security in Old Age, Case Study of AIM: Dr. Zumilah Zainalaludin & Dr. Jariah Masud

The study involved cross sectional primary data collection among Amanah Ikhtiar members in three states, Kedah, Kelantan and Terengganu; states where Amanah Ikhtiar has been in operation for more than 10 years. Questionnaires were used as instrument for data collection and data collection was carried out in November 2011. A total of 601 women Sahabat and her spouse or adult son were successfully interviewed. The economic security of Sahabat are assessed using the following measures: Income and sources of income, types and amount of saving, assets ownership and economic status (income categories and poverty status) and burden of debt. Among 90% Sahabat who responded to this question, 22% reported one source of income while the other received income from range of two to 10 sources. Mean monthly income among the 69% Sahabats involved in agricultural activities was RM6774.26 and mean income 25% involved in businesses was RM5711.82. A total of 95% Sahabat reported amount of savings with mean savings of RM11,405.60. In addition, there were 6.3% of Sahabat were still in poverty despite their involvement in micro credit program. There were 171 Sahabat with loan installment with the mean monthly installment was RM715.68 per month. Majority respondents perceived their income as adequate and 64% indicated they had sufficient income for old age. Majority of sahabat in the study were economically secure with majority had savings and income. Their involvement in the Amanah Ikhtiar program successfully lifted them out of poverty.

Key words: micro credit, poverty, economic security, women

Pencapaian Institut Gerontologi 2013

Pencapaian Institut Gerontologi untuk tahun 2013 dilihat dari aspek pelajar siswazah, geran penyelidikan, penerbitan dan jaringan industri.

PELAJAR SISWAZAH

Pada tahun 2013, seramai 5 orang pelajar baru telah mendaftar di Institut Gerontologi. Tiga orang adalah pelajar Master manakala dua lagi adalah pelajar peringkat ijazah kedoktoran (PhD). Semua pelajar baru adalah dari Malaysia dan tiada pelajar antarabangsa yang mendaftar di IG untuk tahun ini. Institut telah melahirkan seramai 6 orang graduat pada tahun 2013; dua orang adalah pelajar Master dan empat orang adalah pelajar PhD. Empat daripadanya adalah pelajar antarabangsa manakala dua lagi adalah pelajar tempatan.

	Master (Msc)	PhD	Graduated Msc	Graduated PhD
Jumlah pelajar	3	2	2	4
Pelajar Tempatan	3	2	0	2
Pelajar Antarabangsa	0	0	2	2

GERAN PENYELIDIKAN

Sebagai sebuah institut yang berteraskan penyelidikan, Institut Gerontologi akan memohon dan menerima geran penyelidikan setiap tahun. Geran penyelidikan yang diterima adalah dari pembiaya tempatan dan antarabangsa. Bagi tahun 2013, Institut telah menerima sebanyak lima geran penyelidikan yang baru seiring dengan 23 geran sedia ada yang sedang berjalan. Dua geran baru tersebut dibiayai oleh pembiaya antarabangsa iaitu UNFPA dan Citi Foundation manakala tiga lagi geran baru adalah geran UPM. Berikut adalah jumlah geran baru yang telah diterima pada tahun 2013 dan nilai geran yang telah diterima dari tahun 2002 sehingga 2013:-


JENIS GERAN	BILANGAN GERAN TEMPATAN	BILANGAN GERAN ANTARABANGSA
GERAN UPM	3	1
UNFPA		
Citi Foundation		1



TAHUN	NILAI GERAN UPM	NILAI GERAN UNFPA	NILAI GERAN CITI FOUNDATION
2013	RM243,000	RM300,000	RM360,000

PENERBITAN

Institut telah menyasarkan KPI bagi penerbitan pada tahun 2013 adalah sebanyak 40 faktor impak. Sehingga akhir tahun 2013, IG telah pun mencapai sasaran tersebut dengan mencapai 44.973 faktor impak bagi tahun ini. Selain itu, IG juga telah menerbitkan sebanyak 29 jurnal berwasit, 4 jurnal tidak berwasit, sebuah buku, satu bab buku (atas talian), dan 15 penerbitan lain yang merangkumi prosiding, poster, pembentangan oral dan lain-lain. Jumlah penerbitan yang dihasilkan oleh IG adalah meningkat setiap tahun. Berikut merupakan jumlah penerbitan bagi tahun 2013 dan graf jumlah penerbitan IG dari tahun 2006 hingga 2013.




Graf 1: Nilai geran (RM) yang telah diterima dari tahun 2002 sehingga 2013.

	Cited Journal	Non-cited Journal	Book	Chapter in Book	Others	Impact Factor
2013	29	4	1	1	15	44.973

JARINGAN INDUSTRI

Institut Gerontologi telah menyasarkan kerjasama bersama dengan 50 industri untuk tahun 2013. Sehingga akhir 2013, IG telah pun mencapai sasaran tersebut dengan jumlah 55 kerjasama dan jaringan bersama industri (110%). Bagi penjanaan pendapatan pula, IG telah menyasarkan sebanyak 500 ribu dan telah mencapai sasaran sebanyak 749 ribu di akhir tahun 2013. Institut juga telah mendapat taraf lima bintang bagi 2 projek/aktiviti tajaan iaitu bagi projek bersama Fonterra Brands (P.M. Dr. Chan Yoke Mun) dan projek bersama Citi Foundation/United Way Worldwide (Prof. Dr. Tengku Aizan Hamid).



Graf 2: Jumlah penerbitan Institut Gerontologi bagi tahun 2006 hingga 2013.




Karnival U3A

University of The Third Age (U3A) KL & Selangor dengan kerjasama Institut Gerontologi, UPM telah mengadakan Karnival U3A pada 19 Oktober 2013 di Fakulti Perubatan dan Sains Kesihatan, UPM. Sambutan Karnival U3A yang pertama kali diadakan telah dirasmikan oleh Prof. Tengku Aizan Hamid, Pengarah Institut Gerontologi, UPM.

Sambutan karnival U3A pada keseluruhannya amat menggalakkan, apatah lagi diadakan pada bulan Oktober sempena Sambutan Hari Warga Emas Peringkat Kebangsaan 2013. Berbagai acara telah diadakan antaranya ceramah, pemeriksaan kesihatan, yoga, Wellness Qi-Gong, Nordic Walking, pameran seni dan kraftangan, cabutan bertuah, gerai jualan dan beberapa jenis permainan.

Karnival ini dapat dilaksanakan dengan jayanya kerana mendapat kerjasama daripada Institut Gerontologi, UPM.



Lawatan Kerja

JABATAN PENGAIJIAN KOLEJ KOMUNITI



Pada 24 Oktober 2013, Jabatan Pengajian Kolej Komuniti (JPKK), Kementerian Pendidikan Malaysia, telah mengadakan lawatan kerja ke Institut Gerontologi yang disertai oleh tujuh orang pegawai yang diketuai oleh Puan Zainab Binti Ahmad, Pengarah Bahagian Dasar Dan Pembangunan Kurikulum, JPKK. Objektif lawatan kerja ini adalah bagi menjalankan hubungan dua hala antara JP KK dan Institut Gerontologi. Pertemuan bersemuka antara kedua pihak telah memberi banyak input dan pendedahan berkaitan fungsi dan peranan Institut Gerontologi kepada warga emas khususnya. Perkongsian ilmu ini banyak memberi maklumat yang berguna terutamanya dalam pengurusan, penyampaian dan penyediaan pendidikan kepada warga emas. Pegawai dari JP KK juga berpeluang berjumpa dengan wakil Persatuan Pembelajaran

Sepanjang Hayat Orang Lama (U3A) Kuala Lumpur dan Selangor. Berlangsungnya lawatan ini diharap dapat terjalin hubungan kolaborasi yang lebih erat dan berterusan bagi kebaikan kedua belah pihak.



LAWATAN HOSPITAL TUANKU JA'AFAR

Menjelang tahun 2020, dijangkakan 11.5% dari keseluruhan populasi negara terdiri daripada warga emas berumur 60 tahun dan keatas. Ini bermakna, 15 tahun lagi negara akan mempunyai warga emas seramai 3.6 Bilion orang. Penuaan tidak boleh hanya dilihat dari satu sudut pendekatan sahaja tetapi juga aspek-aspek lain seperti cara untuk mempertingkatkan kesejahteraan warga emas dan mengoptimumkan potensi diri. Usaha-usaha ke arah mengurangkan kebergantungan kepada pendekatan kebajikan perlu dilakukan supaya warga emas mendapatkan tempat dalam masyarakat.

Oleh yang demikian, seramai 25 orang pegawai daripada Jabatan kerja Sosial Perubatan (JKSP), Hospital Tuanku Ja'afar, Penolog Pegawai Kerja Sosial Negeri Sembilan, Sukarelawan Hospital dan Ahli Lembaga Pelawat Hospital telah membuat satu lawatan ilmiah ke Institut Gerontologi (IG) pada 3 April 2013 bagi membincangkan isu-isu berkaitan warga emas dan penuaan di Malaysia. Objektif lawatan tersebut adalah untuk memahami dan mendalami bidang Gerontologi sosial dengan lebih jelas terutamanya dari sudut keselamatan ekonomi dan hubungan antara generasi.

IG berharap agar lawatan ini dapat memberikan pengalaman serta menambahkan lagi pengetahuan kepada para pegawai berkaitan isu dan masalah yang dihadapi oleh warga emas dalam menjalankan tugas harian kelak.



**Institut Gerontologi
Universiti Putra Malaysia,
43400 UPM Serdang, Selangor Darul Ehsan**
• Tel: 03 - 8947 2755 Faks: 03 - 8947 2744
• <http://www.ig.upm.edu.my>